



Ompa ouejkajkej oapolaktinemiyaj ijtek non atl,
uan kuak yomixtijkej ijtek non atl, omokajkej sa
mojostikatej.



Uan okajsokamatkej non tlenon okichijkej, la
tepinajti. Uan ayekmo keman okichijkej kiyon.

Ome chivojtin amo omonemilijkej

Se uelta oktaya ome chivojtin la uejueyin, oktaya
sente tilitik uan oksente chichiltik. Uan se tonale nin
chivojtin omonamikej ipan sente puente. Non puente
oktaya kuauitl patlachtik, amo uetl patlauak, uan ijtek non
tlapechtle oyajtaya ueyi atl.



Nin chivojtin opejkej monojnotzaj. Non tilitik
okijto:

—¿Kanin tia?


Non chivo chichiltik okinankili:

—Nia nipaxaloua. ¿Uan tejua kanin tia?

Non chivo tilitik okinankili:

—Nia nimaultia. Xinechtlakauili, nipanos.

—Nejua kachto nipanos, okinankili non chichiltik non chivo.



Uan ompa inimej omonamiktajkej ipan non puente.
Uan kuak yomonamikej, niman sepan omaueteketzkej,
uan kiyon opejkej moteuiaj.



Nin chivojtin amo keman okinemilijkej tla uetziskej ijtek non atl, kache omoteuiaj. Uan por pipichakchin oktaya non ipan opanoyaj, oueuetzitoj ineuan ijtek non atl.

